

元遺山先生全集

卷首

序傳銘

目錄

无遺山先生全集

卷四

序

目錄

光緒七年重鐫

元遺山先生全集

讀書山房刻本
秀容書院藏板

元遺山先生像



欽定四庫全書提要

遺山集四十卷附錄一卷金元好問撰好問字裕之秀容人登興定五年進士歷內鄉令天興中除左司都事轉行尚書省左司員外郎金亡不仕事蹟具金史文藝傳是集凡詩十四卷文二十六卷爲明儲巵家藏本宏治戊午沁水李瀚爲刊版以行前有李治徐世隆二序末有王鶚杜仁傑二跋集末附錄一卷則儲巵所裒輯也好問才雄學贍金元之際屹然爲文章大宗所撰中州集意在以詩存史去取尙不盡精至所自作則興象深邃風格迺上無宋南渡末江湖諸人之習亦無江西流派生拗麤獷之失至

古文繩尺嚴密眾體悉備而碑版誌銘諸作尤爲具有法
度晚年嘗以史筆自任構野史亭採金源君臣遺言往行
裒輯紀錄至百餘萬言今壬辰雜編諸書雖已無傳而元
人纂修金史多本其所著故於三史中獨稱完善亦可知
其著述之有裨實用矣

重刻元遺山先生集序

嘗論宋自南渡後疆宇分裂文章學術亦判爲兩途程氏之學行於南蘇氏之學行於北行於南者朱子集其大成行於北者遺山先生衍其統緒先生全集在元僅有東平嚴侯弟忠傑刻本明代李叔淵儲巖梓行者率祖是本詩文仍四十卷迨我

朝康熙間無錫華希閔有重刻之本又百餘年平定張頤洲復苦心搜集萃其詩文樂府年譜及續夷堅志都爲一集刊行於時今甫三十年訪之平定詢之京都版已無存未嘗不嘆讀書者徒事帖括講求詩古文者之少也金史

載遺山秀容人爲文有繩尺備眾體其詩奇崛而絕雕闢
巧縛而謝綺麗今讀其集挾幽井之氣存金源之遺堅持
高節不仕於元慨然以著作自命文詩皆憲章北宋直接
長公屹然爲一大宗惜其所著杜詩學一卷東坡詩雅三
卷錦機一卷詩文自警十卷遺失無存其野史亭所著壬
辰雜編亦無刊本僅中州集單行於世余承乏秀容旣與
郡人士重修州志工竣後尙餘捐貲念先生全集當世已
無傳本爰商之同志二三君子撿郡中所存張頤洲所裒
全集加以校正重付手民用錢二百萬有奇先生文章學
術雖不盡於是而卽此流布海內用以津逮後學必有聞

風興起者然則是集之刻猶不僅以繼述鄉賢之意屬望於郡人士也而郡人士其亦可以自勵矣

光緒七年歲次辛巳夏六月知郡事後學方戊昌謹序

重刻元遺山先生集校閱考證姓氏

知忻州事桐城方戊昌季方

署忻州事崞縣陳 本立齋

知忻州事夏邑曹熾昌鶴嶼閱定

深澤司空羣冀北

定州王 灝文泉

祁州李光斗希白

趙州張駒賢壻坪

定州胡振春警三覆校

郡人郝椿齡曼修

趙培元用九總校

彭述仲明

銀若岷伯陽

郝耀昂軒如

郝耀章子才

張鈞子和

銀濟衆仁卿

郝蔚南象山

米毓瑞藍田

楊履晉康侯

郝耀垣星階

劉 彬雅堂

李春和淑卿

焦雁峰景一叅校

連衡山湘帆

楊秉璋叔達襄校

趙培因佑生考證

原序

遺山先生集中統嚴氏初刻本不可見今行世者惟宏治中李叔淵本及康熙中華希閔本而華本卽從李本翻出猶一本也詩集單本較多惟毛氏汲古閣本盛行南昌萬廷蘭本係從全集摘出故於曹益甫所增之八十餘首概從闕佚而元黃公紹選本穆又未之見也近烏程施北研氏孰於金源掌故有遺山詩文箋極精博詩箋初梓吾友沈子惇卽以相贈近亦印行文箋仍鬱未出也遺山世籍平定靖康末始遷居秀容故文字中稱平定爲鄉郡生平蹤蹟往來於平定至孰吾家陽泉山莊卽詩所詠栖雲道

院山莊東北一里而遙有土岡斗上中央宛宛若孟俗名
圍窪池西馮氏舊塋香亭后柱刻有遺山弔馮大來副使
詩大來者遺山往來陽泉時東道主人也計亦歸落丈夫
而其名爵則州志已失網羅蓋文獻之放失也非一日矣
穆生也晚未獲從耆舊釣游而劉覽羣書遇有鄉邦故實
輒一一疏記以助桑梓雅談遺山尤夙所慕仰登涌雲樓
拜楊趙元李四賢桌主流連企歎每思論其世攷其出處
文章與吾黨之彥一盱衡之而利祿移人帖括熒目其足
與甄討及此者不數覲也內相文獻楊公勲業軼於滏水
數理不媿欒城而炳炳譔述今遂無一字留貽謂非州里

後進之臯歟遺山幸以能詩故其文得埒以傳然已不能
家有其書李叔淵雖稱得善本於儲靜夫太僕而譌文脫
簡仍不勝乙今爲鉤攷金元史及同時各家集它若元文
類金石例金文雅山西通志諸書缺者補之誤者訂之如
無可據校概從闕疑續夷堅志世行寫本二卷余秋室氏
釐爲四卷手書刻之大梁樂府五卷阮太傅研經室外集
載有提要而文選樓書目初無其名聞漢陽葉氏有寫本
數從相假檢未獲也嘗擬都爲一集繡梓版存冠山書院
州中有貲力足任斯役者尙不乏人乃募商積年卒無有
贊成之者不得已節齋傭書餘資歲刻數卷始丙午二月